



2025-2027 ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԱՅԻՆ

ԾՐԱԳՐԻ ԵՎ 2025 ԹՎԱԿԱՆԻ

ԲՅՈՒՋԵՏԱՅԻՆ ՖԻՆԱՆՍԱՎՈՐՄԱՆ ՀԱՅՏ

Պետական մարմինը՝

ՀՀ ԿԳՄՍՆ ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ԿՈՄԻՏԵ

**Հայտի հաստատման
ամսաթիվը՝**

1. ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌԻ ՆՊԱՏԱԿՆԵՐԸ ԵՎ ԹԻՐԱԽՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

Գիտական և գիտատեխնիկական գործունեության բնագավառի 2025-2027 թվականների հիմնական նպատակներն ու վերջնական արդյունքի չափորոշիչները¹.

Նպատակներ են՝

1. Մրցունակ գիտական գործունեության համար նպաստավոր ենթակառուցվածքների զարգացում.
2. Գիտության ոլորտում աշխատողների որակավորման բարձրացում և երիտասարդ կադրերի ներգրավում.
3. Գիտության ոլորտում պետական ֆինանսավորման արդյունավետության բարձրացում, հայագիտական, հումանիտար և հասարակական գիտությունների առաջանցիկ զարգացման ապահովում.

Վերոնշյալ նպատակների վերջնական արդյունքի չափորոշիչներն են՝

1. Ոլորտային համալիր հետազոտությունների համար անհրաժեշտ սարքավորումներով վերանորոգված և վերազինված գիտական կենտրոնների, գիտական կազմակերպություններում կամ բուհերում առկա առևտրայնացման պոտենցիալ ունեցող մշակումները վերհանող և դրանց առևտրայնացման գործընթացն ուղղորդող կառույցի, գիտությունից բիզնես ռիսկային նախաձեռնությունների գնահատման և ներդրումների ազգային հիմնադրամի, հետազոտությունների համար ավելի նպաստավոր միջավայրի, ինչպես նաև մարդկային և ֆիզիկական ռեսուրսի արդյունավետ օգտագործման պայմանների, գիտական և գիտատեխնիկական բնագավառում միջպետական կամ միջգերատեսչական պայմանագրերի և համաձայնագրերի, ինչպես նաև Եվրոպական շրջանակային ծրագրերին Հայաստանի մասնակցության խթանման մեխանիզմների առկայություն:

2. Ասպիրանտների և երիտասարդ հայցորդների հետազոտությունների աջակցությանն ու հետդոկտորական հետազոտությունների ծրագրերի իրականացման

¹ Քաղաքականության նպատակների և թիրախների մասին տեղեկատվությունը կից ներկայացվում է պահանջվող ձևաչափով Հավելված 3-ի Մաս 3-ում:

ուղղված ծրագրերի, ինչպես նաև աշխարհի լավագույն գիտական կենտրոններում վերապատրաստված գիտաշխատողների առկայություն:

3. Հետազոտությունների միջազգային չափանիշների սահմանում, կատարողականի գնահատման մեխանիզմների, հեռավար ղեկավարվող լաբորատորիաների, հասարակական, հայագիտության և հումանիտար գիտությունների բնագավառների, երկակի նշանակության, կիրառական արդյունքի ձեռքբերման, պետական կարիքներից բխող, գերակա ուղղություններով հետազոտությունների աջակցությանն ուղղված ծրագրերի, ինչպես նաև հիմնարար հետազոտությունների ծրագրերի ընտրության մրցակցային մեխանիզմների առկայություն:

2. ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌԻ ԾԱԽՍԱՅԻՆ ԳԵՐԱԿԱՅՈՒԹՅՈՒՆՆԵՐԸ ՄԺԾԾ ԺԱՄԱՆԱԿԱՀԱՏՎԱԾՈՒՄ

Գիտական և գիտատեխնիկական գործունեության բնագավառում 2025-2027 թվականների համար առաջնահերթ են²

1. Մրցունակ գիտական գործունեության համար նպաստավոր ենթակառուցվածքների զարգացում՝

Գիտական գործունեության արդյունավետության և մրցունակության բարձրացման կարևորագույն գրավականներից է գիտական ենթակառուցվածքների զարգացածությունը, որը հնարավորություն է տալիս իրականացնելու մրցունակ գիտական հետազոտություններ ոչ միայն ժամանակակից գիտական սարքավորումների և նյութերի միջոցով, այլ նաև ընձեռելով գիտական գործունեության համար բարենպաստ ֆիզիկական միջավայր:

Նպատակին հասնելու համար **համաձայն ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի կատարումն ապահովող միջոցառումների ցանկի 27-րդ կետի՝**

² Գիտական և գիտատեխնիկական գործունեության բնագավառի վերոնշյալ ծախսային գերակայությունները հակիրճ շարադրված են նաև Մեթոդական ցուցումներին կից՝ Հավելված 12-ով ներկայացված ձևաչափում:

➤ **27.1-ին ենթակետի՝** անհրաժեշտ է շարունակել Գիտական կենտրոնները ժամանակակից սարքավորումներով վերազինմանն ուղղված մրցութային ծրագրի իրականացումը, որոնց համար ըստ վերոնշյալ որոշմամբ 2025 թվականին ՀՀ պետական բյուջեի և ԵՄ դրամաշնորհային միջոցներից նախատեսված է հատկացնել՝ 7,464,544.9 հազ. դրամ, իսկ 2026-2027 թվականներին՝ 9,900,000.0-ական հազ. դրամ:

➤ **27.3-րդ ենթակետի՝** անհրաժեշտ է շարունակել Հետազոտության բնագավառով մոտ փոքր գիտական կազմակերպությունները խոշոր գիտական կենտրոններում միավորմանն ուղղված պետական ծրագրի իրականացումը, որի համար ըստ վերոնշյալ որոշմամբ 2025-2027 թվականներին ՀՀ պետական բյուջեից նախատեսված է հատկացնել 1,000,000.0-ական հազ. դրամ:

➤ **27.5-րդ ենթակետի՝** անհրաժեշտ է ստեղծել Գիտությունից բիզնես ոլորտային նախաձեռնությունների գնահատման և ներդրումների ազգային հիմնադրամ, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 10,000,000.0 հազ. դրամ:

➤ **27.6-րդ ենթակետի՝** անհրաժեշտ է ապահովել Գիտական և գիտատեխնիկական բնագավառում միջպետական կամ միջգերատեսչական պայմանագրերի և համաձայնագրերի կնքումը, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել համապատասխանաբար 600,000.0 հազ. դրամ, իսկ 2026-2027 թվականներին՝ 700,000.0-ական հազ. դրամ:

➤ **27.7-րդ ենթակետի՝** անհրաժեշտ է իրականացնել Եվրոպական շրջանակային ծրագրերի հետ ասոցացման և շրջանակային ծրագրերում Հայաստանի ակտիվ մասնակցության խթանմանը միտված ծրագրեր:

Մասնավորապես, զարգացած պետությունների և դրանց գերատեսչությունների կամ միջազգային կազմակերպությունների հետ համագործակցության ընդլայնման նպատակով պետք է շարունակել՝

➤ համաֆինանսավորման սկզբունքով միջազգային ծրագրերի իրականացումը,

➤ անդամակցությունը գիտական կառույցներին/համագործակցություններին՝ «Հորիզոն Եվրոպա», Միջուկային Հետազոտությունների Միացյալ Ինստիտուտի (ՄՀՄԻ – JINR), Բարձր Էներգիաների Ստերեոսկոպիկ Համակարգի (ԲԷՍՀ – H.E.S.S.), Քլարիվեյթ Անալիտիքս, Միջազգայի գիտատեխնիկական կենտրոն, Էլգեվիեռ Ռեաքսիս:

Ներկայումս համաֆինանսավորման սկզբունքով ֆինանսավորվում են միջազգային համագործակցության 12 ծրագիր՝ նախկին 87-ի փոխարեն, (վերջինիս նվազումը պայմանավորված է հայ-բելառուսական, հայ-ռուսական և գիտական հետազոտությունների աջակցության Եվրասիական ասոցիացիայի հետ անցակցված գիտական հետազոտությունների բազմակողմ ծրագրերի կատարման ժամկետի ավարտով), հայ-չինական մեկ լաբորատորիա, գործում է ՀՀ ԳԱԱ ԻԿՐԱՆԵՏ կենտրոն միջազգային կազմակերպությունը:

2. Գիտության ոլորտում աշխատողների որակավորման բարձրացում և երիտասարդ կադրերի ներգրավում՝

Գիտության ոլորտում աշխատողների որակավորման բարձրացումը, երիտասարդ կադրերի ներգրավումը և գիտնականների աշխատավարձի և գիտության մրցունակության բարձրացման հիմնական գործիքներն են:

ՀՀ գիտության ոլորտի առաջընթաց զարգացման համար սկզբունքային նշանակություն ունի գիտական կադրերի արդյունավետ վերարտադրության և սահուն սերնդափոխության ապահովման հարցը:

Նպատակի ձեռքբերման համար իրականացվող քայլերը պետք է մի կողմից միտված լինեն գիտության ոլորտ երիտասարդ կադրերով համալրելուն, մյուս կողմից՝ միջին սերնդի գիտնականների թվաքանակի բարձրացմանը:

Նպատակին հասնելու համար **համաձայն ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի կատարումն ապահովող միջոցառումների ցանկի 28-րդ կետի՝**

➤ **28.1-ին ենթակետի՝** անհրաժեշտ է շարունակել Ասպիրանտների և երիտասարդ հայցորդների հետազոտությունների աջակցությանն ուղղված

մրցութային ծրագրի իրականացումը, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 1,550,000.0 հազ. դրամ, իսկ 2026-2027 թվականներին՝ 1,700,000.0-ական հազ. դրամ:

➤ **28.2-րդ ենթակետի՝** անհրաժեշտ է շարունակել Գիտական կադրերի (PHD, PostDoc) վերապատրաստման մրցութային ծրագրի իրականացումը, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 582,400.0 հազ. դրամ, իսկ 2026-2027 թվականներին 761,600.0-ական հազ. դրամ:

➤ **28.3-րդ ենթակետի՝** անհրաժեշտ է իրականացնել Արտերկրի լավագույն գիտական կենտրոններում գիտական կազմակերպությունների աշխատակիցների մասնագիտական վերապատրաստման և որակավորման բարձրացման միջին և երկարաժամկետ ծրագրերին ուղղված նոր մրցութային ծրագիր, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 1,400,000.0 հազ. դրամ, իսկ 2026-2027 թվականներին՝ 1,680,000.0-ական հազ. դրամ:

Պետք է շարունակել իրականացնել նաև՝

➤ երիտասարդ գիտաշխատողների (մինչև 35 տարեկան) հետազոտությունների աջակցության դրամաշնորհային մրցույթի կազմակերպում,

➤ գիտական խմբերի մեկնարկային և գիտական խմբերի կամ լաբորատորիաների ամրապնդմանն ուղղված եռամյա կամ հնգամյա դրամաշնորհային մրցույթների կազմակերպում,

➤ առաջատար հետազոտությունների աջակցության ծրագիրը, երբ դրամաշնորհը հատկացվում է գիտական նշանակալի նվաճումներ ունեցող գիտաշխատողին՝ հետազոտական խումբ ձևավորելու և հավակնոտ թեմայով հետազոտական ծրագրեր իրականացնելու համար:

3. Գիտության ոլորտում պետական ֆինանսավորման արդյունավետության բարձրացում՝

Գիտության ոլորտում պետական ֆինանսավորման արդյունավետության բարձրացումն իրականացվելու է հետազոտությունների միջազգային չափանիշների սահմանմամբ և կատարողականի գնահատման մեխանիզմների ներդրմամբ:

Նպատակին հասնելու համար **համաձայն ՀՀ կառավարության 2021 թվականի նոյեմբերի 18-ի N 1902-L որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի կատարումն ապահովող միջոցառումների ցանկի 29-րդ կետի՝**

➤ **29.1-ին ենթակետի՝** անհրաժեշտ է շարունակել գիտական և գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձերի նորմավորման գործընթացի իրականացումը, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է նախորդ տարվա նկատմամբ աշխատավարձի ֆոնդին ավելացնել՝ 2,010,078.0 հազ. դրամ:

➤ **29.3-րդ ենթակետի՝** անհրաժեշտ է իրականացնել գիտական կադրերի պատրաստման բոնուսային ծրագրեր բազային ֆինանսավորման շրջանակներում:

➤ **29.4-րդ ենթակետի՝** անհրաժեշտ է շարունակել վերաինտեգրման կամ հեռավար ղեկավարվող լաբորատորիաների ստեղծմանն ուղղված ծրագրի իրականացումը, որի համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 1,184,000.0 հազ. դրամ, 2026-2027 թվականներին՝ 1,676,000.0-ական հազ. դրամ:

➤ **29.6-րդ ենթակետի՝** անհրաժեշտ է իրականացնել հասարակական, հայագիտության և հումանիտար գիտությունների բնագավառների հետազոտությունների աջակցությանն ուղղված նոր մրցութային ծրագրեր, որոնց համար ըստ վերոնշյալ որոշմամբ 2025 թվականին ՀՀ պետական բյուջեից նախատեսված է հատկացնել 1,200,000.0 հազ. դրամ, 2026-2027 թվականներին՝ 1,300,000.0-ական հազ. դրամ:

Պետք է շարունակել իրականացնել նաև՝

➤ արիեստական բանականություն և տվյալագիտություն, քվանտային տեխնոլոգիաներ, ռոբոտատեխնիկա մասնագիտություններով հետազոտությունների աջակցությանն ուղղված ծրագիրը,

➤ երկակի նշանակության հետազոտությունների աջակցությանն ուղղված ծրագիրը,

➤ 2022 թվականին առաջին անգամ հայտարարված փորձարարական մշակումների դրամաշնորհային ծրագիրը, որի գնահատման ժամանակ առաջին անգամ կիրառվել է տեխնոլոգիաների պատրաստության աստիճանի միջազգային սանդղակը (TRL grades):

3. ՄԺԾԾ ԺԱՄԱՆԱԿԱՀԱՏՎԱԾՈՒՄ ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌԻ ԻՐԱԿԱՆԱՑՎԵԼԻՔ ԾԱԽՍԱՅԻՆ ԾՐԱԳՐԵՐԸ

3.1. Պարտադիր և հայեցողական ծախսերը

2025-2027 թվականների գիտական և գիտատեխնիկական գործունեության բնագավառի 1162 «Գիտական և գիտատեխնիկական հետազոտությունների» ծրագրի պարտադիր և հայեցողական ծախսերին դասվող միջոցառումներն են³

Պարտադիր ծախսեր

➤ «11001 Գիտության բնագավառի պետական քաղաքականության մշակման, ծրագրերի համակարգման և մոնիտորինգի ծառայություններ»,

➤ «11002 Գիտական ենթակառուցվածքի արդիականացում», որն ուղղված է գիտական կազմակերպությունների և բուհերի գիտական ստորաբաժանումների զարգացմանը, ծրագրերի իրականացմանը, գիտական սարքավորումների արդիականացմանը, միջազգային համագործակցության աջակցությանը,

➤ «11004 Ազգային արժեք ներկայացնող գիտական օբյեկտների պահպանություն», որն ուղղված է «Մատենադարան» Մ. Մաշտոցի անվան հին ձեռագրերի գիտահետազոտական ինստիտուտի, Հայոց-ցեղասպանության

³ Պարտադիր և հայեցողական ծախսերի վերաբերյալ տեղեկատվությունն ամփոփվել է Մեթոդական ցուցումներին կից Հավելված 1-ի Ձևաչափ 1-ում ներկայացված աղյուսակում (գոյություն ունեցող պարտավորությունների մասով): Իսկ յուրաքանչյուր միջոցառման համար պարտադիր և հայեցողական ծախսերի վերաբերյալ մանրամասն տեղեկատվությունը ներկայացվել է Մեթոդական ցուցումներին կից՝ Հավելված 1-ի Ձևաչափ 2 -ում (գոյություն ունեցող պարտավորությունների մասով):

թանգարան-ինստիտուտի, Վ. Համբարձումյանի անվան Բյուրականի աստղադիտարանի պահպանմանը,

➤ «11005 Գիտական և գիտատեխնիկական գործունեության գիտական դրամաշնորհային հետազոտություններ», որն ուղղված է գիտնականների և հետազոտական խմբերի նախաձեռնությամբ ներկայացված ու մրցութային կարգով ընտրված հետազոտական նախագծերի իրականացմանը,

➤ «11006 Գիտական և գիտատեխնիկական նպատակային-ծրագրային հետազոտություններ», որն ուղղված է մրցութային հիմունքներով ընտրված գիտության ու տեխնիկայի առաջնային ուղղություններին համապատասխանող գիտատեխնիկական պետական ծրագրերի իրականացմանը,

➤ «11007 Գիտական ամսագրերի և մենագրությունների հրատարակում», որն ուղղված է գիտական ամսագրերի և մենագրությունների հրատարակմանը,

➤ «11008 Բարձր էներգիաների ֆիզիկայի բնագավառի ենթակառուցվածքների արդիականացում», որն ուղղված է «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի գիտական և գիտատեխնիկական գործունեության ենթակառուցվածքի պահպանմանը և գիտական ներուժի արդիականացմանը, ֆիզիկայի բնագավառում գիտական և գիտատեխնիկական հետազոտությունների իրականացմանը,

➤ «11009 Արագացուցչային տեխնոլոգիաների զարգացում», որն ուղղված է «ԲԵՆԴԼ» սինքրոտրոնային հետազոտությունների ինստիտուտի հիմնադրամի պահպանմանը և արագացուցչային փորձարարական լաբորատորիաների զարգացմանը, արագացուցչային ֆիզիկայի և տեխնիկայի բնագավառում գիտական և գիտատեխնիկական հետազոտությունների իրականացմանը,

➤ «11010 Էտալոնների պահպանում և զարգացում», որն ուղղված է ՀՀ ազգային էտալոնների պահպանմանն ու զարգացմանը,

➤ «11012 Գիտական գրադարանային ծառայություններ (գիտության ոլորտ)», որն ուղղված է գրադարանային հավաքածուների պահպանմանը և համալրմանը, ընթերցողների սպասարկմանը, գրադարանային միջոցառումների կազմակերպմանը,

➤ «11018 Հայաստանի Հանրապետությունում գիտելիքահենք տնտեսության էկոհամակարգի ձևավորում և զարգացում», որն ուղղված է Հայաստանի Հանրապետությունում գիտելիքահենք տնտեսության էկոհամակարգի ձևավորմանն ու զարգացմանը միտված գիտական և գիտատեխնիկական ներուժի գնահատմանը, առևտրայանացման ենթակա նորարարությունների և դրանց իրացման շուկաների բացահայտմանը, թվային հարթակի ապահովմանը,

➤ «12001 Գիտաշխատողներին գիտական աստիճանների համար տրվող հավելավճարներ», որն ուղղված է գիտական և գիտատեխնիկական գործունեության բյուջետային ֆինանսավորման բազային ծրագրերում ներգրավված և առնվազն աշխատաժամանակի նորմալ տևողությամբ աշխատող գիտական աշխատողներին գիտական աստիճանի համար ամենամսյա հավելավճարների տրամադրմանը,

➤ «12002 ՀՀ ԳԱԱ իսկական և թղթակից անդամների պատվովճարներ», որն ուղղված է ՀՀ ԳԱԱ իսկական և թղթակից անդամների պատվովճարների տրամադրմանը,

➤ «32004 Գիտական կենտրոնները ժամանակակից սարքավորումներով վերազինում», որն ուղղված է մրցունակ գիտական գործունեության համար նպաստավոր ենթակառուցվածքների զարգացմանը,

➤ «Գիտական աստիճանաշնորհման և գիտամանկավարժական կոչումների շնորհում», որն ուղղված է Հայաստանի Հանրապետությունում գիտական որակավորման, գիտական աստիճանի և գիտական կոչման վկայագրերի հանձնման, միջազգային կապերի զարգացման, ատենախոսությունների թվայնացման և գիտնականների շտեմարանների ստեղծման ու շահագործման գործընթացների իրականացմանը:

3.2. Գոյություն ունեցող ծախսային պարտավորությունները

2025-2026 թվականներին շարունակվելու են պետական բյուջեի ֆինանսավորմամբ իրականացվող գիտական և գիտատեխնիկական

գործունեության **բազային, գիտական դրամաշնորհային և պետական նպատակային-ծրագրային ֆինանսավորումները**⁴:

Գիտական և գիտատեխնիկական գործունեության բազային ֆինանսավորումը հատկացվելու է միջգերատեսչական մրցութային հանձնաժողովի կողմից ընտրված՝ հիմնարար և կարևորագույն նշանակություն ունեցող կիրառական հետազոտությունների, գիտական կազմակերպությունների ենթակառուցվածքի պահպանման ու զարգացման, ազգային արժեք ներկայացնող գիտական օբյեկտների պահպանման, գիտական կադրերի պատրաստման, գիտական և գիտատեխնիկական գործունեության ապահովման, ինչպես նաև համատեղ օգտագործման գիտական սարքավորումների ձեռքբերման և միջազգային համագործակցության ծրագրերի իրականացման նպատակով (ՀՀ կառավարության 2001 թվականի նոյեմբերի 17-ի N 1121-Լ որոշման համապատասխան): Միժամանակ, համաձայն ՀՀ կառավարության 2021 թվականի մայիսի 13-ի «Հայաստանի Հանրապետության կառավարության 2001 թվականի նոյեմբերի 17-ի N 1121 որոշման մեջ փոփոխություններ և լրացումներ կատարելու մասին» N 747-Լ որոշման՝ 2022 թվականի հունվարի 1-ից առավելագույնը մեկ տարի առաջ գիտական կադրերի որակավորում անցած գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձը աստիճանական կավելանա՝ 2022-2025 թվականներին հասցնելով համապատասխանաբար հետևյալ ցուցանիշների՝

լաբորանտ կամ ճարտարագետ՝ 102.5 հազ. դրամ, 110.0 հազ. դրամ, 120.0 հազ. դրամ և 138.3 հազ. դրամ,

ավագ լաբորանտ կամ ավագ ճարտարագետ՝ 110.0 հազ. դրամ, 130.0 հազ. դրամ, 156.0 հազ. դրամ և 179.0 հազ. դրամ,

կրտսեր գիտաշխատող՝ 120.0 հազ. դրամ, 150.0 հազ. դրամ, 180.0 հազ. դրամ և 210.0 հազ. դրամ,

⁴ Գոյություն ունեցող ծախսային պարտավորություններն ամփոփվել են Մեթոդական ցուցումներին կից Հավելված 3-ի Մաս 3-ում ներկայացված աղյուսակում:

գիտաշխատող՝ 150.0 հազ. դրամ, 200.0 հազ. դրամ, 230.0 հազ. դրամ և 276.0 հազ. դրամ,

ավագ գիտաշխատող՝ 200.0 հազ. դրամ, 250.0 հազ. դրամ, 300.0 հազ. դրամ և 343.0 հազ. դրամ,

առաջատար գիտաշխատող՝ 250.0 հազ. դրամ, 350.0 հազ. դրամ, 420.0 հազ. դրամ և 443.8 հազ. դրամ,

գլխավոր գիտաշխատող՝ 367.1 հազ. դրամ, 450.0 հազ. դրամ, 500.0 հազ. դրամ և 552.9 հազ. դրամ,

գիտական խմբի ղեկավար՝ 230.0 հազ. դրամ, 280.0 հազ. դրամ, 350.0 հազ. դրամ և 410.0 հազ. դրամ,

գիտական ստորաբաժանման ղեկավար՝ 350.0 հազ. դրամ, 400.0 հազ. դրամ, 450.0 հազ. դրամ և 477.2 հազ. դրամ:

Գիտական և գիտատեխնիկական գործունեության գիտական դրամաշնորհային ֆինանսավորումը հատկացվելու է որպես դրամաշնորհ՝ գիտական անկախ փորձաքննության արդյունքների հիման վրա, մրցութային կարգով ընտրված հետազոտական նախագծերի իրականացման և գիտահետազոտական լաբորատորիաների աջակցության, միջազգային ճանաչում ունեցող գիտնականների նախաձեռնությունների խրախուսման նպատակով (ՀՀ կառավարության 2001 թվականի նոյեմբերի 17-ի N 1122 որոշման համապատասխան):

Գիտական և գիտատեխնիկական գործունեության նպատակային-ծրագրային ֆինանսավորումը հատկացվելու է գերատեսչությունների կողմից մշակված, այդ թվում՝ երկակի նշանակության հիմնախնդիրների լուծման նպատակով: Կատարման ենթակա հիմնախնդիրների ցանկն ընտրվելու է միջգերատեսչական մրցութային հանձնաժողովի կողմից, հաստատվելու է ՀՀ կառավարության կողմից, իսկ դրանց լուծմանն ուղղված ծրագրերի ընտրությունն իրականացվելու է մրցութային կարգով (ՀՀ կառավարության 2001 թվականի նոյեմբերի 17-ի N 1123 որոշման համապատասխան):

ՀՀ ԱԺ 2021 թվականի օգոստոսի 26-ի ԱԺՌ-002-Ն որոշմամբ հավանության արժանացած ՀՀ կառավարության ծրագրի «Գիտության ոլորտին» վերաբերող բաժնով առաջարկվող դրույթները և ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագիրը ենթադրում են պետական բյուջեից գիտության ոլորտին հատկացվող ֆինանսական ծավալների ավելացում: Այդպիսի մոտեցումը պայմանավորված է ինչպես ժամանակակից տնտեսության և հասարակության զարգացման գործում գիտության առանցքային դերով, այնպես էլ հանրապետությունում գիտելիքահենք տնտեսություն ստեղծելու համար անհրաժեշտ բարձր մասնագիտական որակավորում ունեցող կադրերի պատրաստման հրամայականով:

1. «1162 Գիտական և գիտատեխնիկական հետազոտությունների» ծրագրի միջոցառումների իրականացման համար պետական բյուջեով հատկացված ծախսերը (առանց պետական կառավարման մարմնի պահպանման ծախսերի) 2024 թվականին կազմում է **35,366,912.4 հազ. դրամ**, իսկ 2025-2026 թվականներին նախատեսվում է հատկացնել համապատասխանաբար՝ **49,154,686.0 և 41,905,656.9 հազ. դրամ, որից՝**

1) «11002 Գիտական ենթակառուցվածքի արդիականացում» միջոցառումն ուղղված է գիտական կազմակերպությունների և բուհերի գիտական ստորաբաժանումների զարգացմանը, ծրագրերի իրականացմանը, գիտական սարքավորումների արդիականացմանը, միջազգային համագործակցության աջակցությանը, որի համար 2024 թվականին հատկացվել է **13,788,315.7 հազ. դրամ**, իսկ 2025-2026 թվականներին նախատեսվում է հատկացնել համապատասխանաբար՝ **27,198,507.3 և 17,298,507.3 հազ. դրամ**, որից (ֆինանսական ծավալի աճը պայմանավորված է գիտական և գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձերի նորմավորման գործընթացից՝ *համաձայն ՀՀ կառավարության 2021 թվականի մայիսի 13-ի «Հայաստանի Հանրապետության կառավարության 2001 թվականի նոյեմբերի 17-ի N 1121 որոշման մեջ*

փոփոխություններ և լրացումներ կատարելու մասին» N 747-Լ որոշմամբ ներդրված 2022-2025 թվականների բազային ֆինանսավորման ծրագրերում ընդգրկված գիտական կադրերի նվազագույն պաշտոնային դրույքաչափի հաշվարկման գործակիցների աղյուսակի, ինչպես նաև ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 27.3, 27.5, 29.1 և 29.6 միջոցառումներից)՝

ա. 11,917,433.5 (2024թ.) և 13,133,420.7-ական հազ. դրամը (2025-2026թթ.) ուղղվելու է գիտական կազմակերպությունների և բուհերի գիտական ստորաբաժանումների բազային ֆինանսավորմանը,

բ. 112,991.6 (2024թ.) և 969,311.6-ական հազ. դրամը (2025-2026թթ.) ուղղվելու է ՀՀ գիտական համայնքին ինտեգրված արտերկրյա գիտնականների աշխատանքի վարձատրության ապահովմանը,

գ. 862,115.6 (2024թ.) և 1,000,000.0-ական հազ. դրամը (2025-2026թթ.) ուղղվելու է գիտական ստորաբաժանումների նյութատեխնիկական բազայի արդիականացման համար ֆինանսական աջակցությանը,

դ. 1,200,000.0 և 1,300,000.0 հազ. դրամը (2025-2026թթ.) ուղղվելու է հասարակական, հայագիտության և հումանիտար գիտությունների հետազոտությունների աջակցությանն ուղղված ծրագրերի իրականացմանը,

ե. 15,000.0-ական հազ. դրամը (2024-2026թթ.) ուղղվելու է գիտության մասսայականացման աջակցությանը,

զ. 600,775.0-ական հազ. դրամը (2024-2026թթ.) ուղղվելու է միջազգային գիտական ծրագրերի, կառույցների անդամակցությանը և գիտատեղեկատվական շտեմարանի ռեսուրսների օգտագործմանը («Հորիզոն Եվրոպա», Միջուկային հետազոտությունների միացյալ ինստիտուտ, Բարձր էներգիաների ստերեոսկոպիկ համակարգ, Տեսական ֆիզիկայի միջազգային կենտրոն, Քլարիվեյթ Անալիտիքս),

է. 25,000.0-ական հազ. դրամը (2024-2026թթ.) ուղղվելու է համակարգի գիտական գործուղումների իրականացմանն աջակցությանը,

ը. 100,000.0-ական հազ. դրամը (2024-2026թթ.) ուղղվելու է «Երիտասարդ գիտնականների աջակցության ծրագրին» պետական աջակցությանը,

թ. 10,000.0-ական հազ. դրամը (2024-2026թթ.) ուղղվելու է երիտասարդ գիտնականների դպրոցների կազմակերպմանն աջակցությանը,

ժ. 30,000.0-ական հազ. դրամը (2024-2026թթ.) ուղղվելու է գիտական միջոցառումների կազմակերպմանն աջակցությանը,

ժա. 15,000.0-ական հազ. դրամը (2024-2026թթ.) ուղղվելու է գիտական հայտերի և հաշվետվությունների ընդունման, փորձագիտական առցանց համակարգի պահպանման և գիտական փորձաքննության ֆինանսավորմանը,

ժբ. 10,000,000.0 հազ. դրամը (2025թ.) ուղղվելու է գիտությունից բիզնես ռիսկային նախաձեռնությունների գնահատմանը և ներդրումների ազգային հիմնադրամի ստեղծմանը,

ժգ. 100,000.0-ական հազ.դրամ (2024-2026թթ.) ուղղվելու է միջազգային գիտատեղեկատվական շտեմարաններում ներառված առաջատար ամսագրերում կամ հրատարակչություններում հրատարակությունների աջակցություն,

2) «11004 Ազգային արժեք ներկայացնող գիտական օբյեկտների պահպանություն» միջոցառումն ուղղված է «Մատենադարան» Մ. Մաշտոցի անվան հին ձեռագրերի գիտահետազոտական ինստիտուտի, Հայոց-ցեղասպանության թանգարան-ինստիտուտի, Վ. Համբարձումյանի անվան Բյուրականի աստղադիտարանի պահպանմանը, որի համար 2024 թվականին հատկացվել է **940,304.1 հազ. դրամ**, իսկ 2025-2026 թվականներին նախատեսվում է հատկացնել **962,891.3-ական հազ. դրամ** (ֆինանսական ծավալի աճը պայմանավորված է գիտական և գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձերի նորմավորման գործընթացից՝ *համաձայն ՀՀ կառավարության 2021 թվականի մայիսի 13-ի «Հայաստանի Հանրապետության կառավարության 2001 թվականի նոյեմբերի 17-ի N 1121 որոշման մեջ փոփոխություններ և լրացումներ կատարելու մասին» N 747-Լ որոշմամբ ներդրված 2022-2025 թվականների բազային ֆինանսավորման ծրագրերում ընդգրկված գիտական կադրերի նվազագույն պաշտոնային*

դրույքաչափի հաշվարկման գործակիցների աղյուսակի, ինչպես նաև ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 29.1 միջոցառումից)։

3) «11008 Բարձր էներգիաների ֆիզիկայի բնագավառի ենթակառուցվածքների արդիականացում» միջոցառումն ուղղված է «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի գիտական և գիտատեխնիկական գործունեության ենթակառուցվածքի պահպանմանը և գիտական ներուժի արդիականացմանը, ֆիզիկայի բնագավառում գիտական և գիտատեխնիկական հետազոտությունների իրականացմանը, որի համար 2024 թվականին հատկացվել է **948,500.3 հազ. դրամ**, իսկ 2025-2026 թվականներին նախատեսվում է հատկացնել **1,031,865.3-ական հազ. դրամ** (ֆինանսական ծավալի աճը պայմանավորված է գիտական և գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձերի նորմավորման գործընթացից՝ համաձայն ՀՀ կառավարության 2021 թվականի մայիսի 13-ի «Հայաստանի Հանրապետության կառավարության 2001 թվականի նոյեմբերի 17-ի N 1121 որոշման մեջ փոփոխություններ և լրացումներ կատարելու մասին» N 747-Լ որոշմամբ ներդրված 2022-2025 թվականների բազային ֆինանսավորման ծրագրերում ընդգրկված գիտական կադրերի նվազագույն պաշտոնային դրույքաչափի հաշվարկման գործակիցների աղյուսակի, ինչպես նաև ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 29.1 միջոցառումից)։

4) «11009 Արագացուցչային տեխնոլոգիաների զարգացում» միջոցառումն ուղղված է «ՔԵՆԴԼ» սինքրոտրոնային հետազոտությունների ինստիտուտի հիմնադրամի պահպանմանը և արագացուցչային փորձարարական լաբորատորիաների զարգացմանը, արագացուցչային ֆիզիկայի և տեխնիկայի բնագավառում գիտական և գիտատեխնիկական հետազոտությունների

իրականացմանը, որի համար 2024 թվականի հատկացվել է **244,271.7 հազ. դրամ**, իսկ 2025-2026 թվականներին նախատեսվում է հատկացնել **257,961.2-ական հազ. դրամ** (ֆինանսական ծավալի աճը պայմանավորված է գիտական և գիտատեխնիկական գործունեության բազային ֆինանսավորման ծրագրերում ընդգրկված գիտական կադրերի աշխատավարձերի նորմավորման գործընթացից՝ *համաձայն ՀՀ կառավարության 2021 թվականի մայիսի 13-ի «Հայաստանի Հանրապետության կառավարության 2001 թվականի նոյեմբերի 17-ի N 1121 որոշման մեջ փոփոխություններ և լրացումներ կատարելու մասին» N 747-Լ որոշմամբ ներդրված 2022-2025 թվականների բազային ֆինանսավորման ծրագրերում ընդգրկված գիտական կադրերի նվազագույն պաշտոնային դրույքաչափի հաշվարկման գործակիցների աղյուսակի*, ինչպես նաև ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 29.1 միջուցառումից)։

5) «11005 Գիտական և գիտատեխնիկական գործունեության գիտական դրամաշնորհային հետազոտություններ» միջոցառումն ուղղված է գիտնականների և հետազոտական խմբերի նախաձեռնությամբ ներկայացված ու մրցութային կարգով ընտրված հետազոտական նախագծերի իրականացմանը, որի համար 2024 թվականին հատկացվել է **9,295,722.0 հազ. դրամ**, իսկ 2025-2026 թվականներին նախատեսվում է հատկացնել **10,598,738.3 և 10,677,423.4 հազ. դրամ** (ֆինանսական ծավալի աճը պայմանավորված է ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 27.6, 28.1, 28.2, 28.3, 29.4, 29.7, 29.8, 29.9 միջուցառումներից), **որի շրջանակներում ֆինանսավորվելու են՝**

ա. Գիտական դրամաշնորհային հետազոտությունները,

բ. Երիտասարդ գիտաշխատողների (մինչև 35 տարեկան) հետազոտությունները,

գ. Ասպիրանտների և երիտասարդ հայցորդների հետազոտությունները,

- դ. Գիտական խմբերի մեկնարկային ծրագիրը,
- ե. Գիտական խմբերի ամրապնդմանն ուղղված ծրագիրը,
- զ. Առաջատար հետազոտությունների աջակցության ծրագիրը,
- է. Արտերկրի լավագույն գիտական կենտրոններում գիտական կազմակերպությունների աշխատակիցների մասնագիտական վերապատրաստման և որակավորման բարձրացման միջին և երկարաժամկետ ծրագիրը,
- ը. Գիտական կադրերի (PhD, PostDoc) վերապատրաստման ծրագիրը,
- թ. ՀՀ գիտական կազմակերպություններում արտերկրի գիտնականների «PostDoc» ծրագիրը,
- ժ. ՀՀ գիտական համայնքին արտերկրի գիտնականների ինտեգրմանն աջակցության ծրագիրը,
- ժա. Հեռավար լաբորատորիաների հիմնադրման ծրագիրը,
- ժբ. Երկակի նշանակության հետազոտությունների աջակցության ծրագիրը,
- ժգ. Փորձարարական մշակումների նախագծերը,
- ժդ. Արհեստական բանականություն և տվյալագիտություն, քվանտային տեխնոլոգիաներ, ռոբոտատեխնիկա մասնագիտություններով հետազոտությունների աջակցության ծրագիրը,
- ժե. Միջազգային հեղինակավոր ցանկերում ներառված առաջատար ամսագրերում կամ հրատարակչություններում հրատարակությունների աջակցության ծրագիրը,
- ժզ. «Հասարակական գիտություններ», «Հայագիտություն և հումանիտար գիտություններ» բնագավառների հետազոտությունների աջակցության ծրագիրը,
- ժէ. Կին ղեկավարների առաջխաղացմանն ուղղված ծրագրերի աջակցության ծրագիրը,
- ժը. Միջազգային գիտական համագործակցության շրջանակներում գիտական ծրագրերը:
- 6) «11006 Գիտական և գիտատեխնիկական նպատակային-ծրագրային հետազոտություններ» միջոցառումն ուղղված է մրցութային հիմունքներով ընտրված գիտության ու տեխնիկայի առաջնային ուղղություններին համապատասխանող

գիտատեխնիկական պետական ծրագրերի իրականացմանը, որի համար 2024 թվականին հատկացվել է **152,883.0 հազ. դրամ**, իսկ 2025-2026 թվականներին նախատեսվում է հատկացնել **305,766.0-ական հազ. դրամ**.

7) «32003 Գիտական կենտրոնների վերանորոգում, «Ակադեմիական քաղաք» նախագծի իրականացման շրջանակներում առաջացած հրատապ ծախսերի ապահովում», միջոցառումն ուղղված է մրցունակ գիտական գործունեության համար նպաստավոր ենթակառուցվածքների զարգացմանը, որի համար 2024 թվականին հատկացվել է **940,000.0 հազ. դրամ**: Վերոնշյալ միջոցառումը 2025 թվականից ներկայացված է Նոր նախաձեռնությամբ, որպես նոր ծրագրի նոր միջոցառում՝ ուղղված Ակադեմիական քաղաքի ստեղծմանը.

8) «32004 Գիտական կենտրոնները ժամանակակից սարքավորումներով վերազինում» միջոցառումն ուղղված է մրցունակ գիտական գործունեության համար նպաստավոր ենթակառուցվածքների զարգացմանը, որի համար 2024 թվականի հատկացվել է **4,200,000.0 հազ. դրամ**, իսկ 2025-2026 թվականներին նախատեսվում է հատկացնել համապատասխանաբար՝ **7,327,714.2 և 9,900,000.0 հազ. դրամ** (ֆինանսական ծավալի աճը պայմանավորված է ՀՀ կառավարության 2021 թվականի նոյեմբերի 18-ի N 1902-Լ որոշմամբ հաստատված ՀՀ կառավարության 2021-2026 թվականների գործունեության միջոցառումների ծրագրի գիտության ոլորտի 27.1 միջուցառումից).

➤ «12001 Գիտաշխատողներին գիտական աստիճանների համար տրվող հավելավճարներ» միջոցառումն ուղղված է գիտական և գիտատեխնիկական գործունեության բյուջետային ֆինանսավորման բազային ծրագրերում ներգրավված և առնվազն աշխատաժամանակի նորմալ տևողությամբ աշխատող գիտական աշխատողներին գիտական աստիճանի համար ամենամսյա հավելավճարների տրամադրմանը, որի համար 2024 թվականին հատկացվել է **842,000.0 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը (ՀՀ կառավարության 2024 թվականի հունվարի 4-ի N 33-Ն որոշման համապատասխան).

9) «12002 ՀՀ ԳԱԱ իսկական և թղթակից անդամների պատվովճարներ» միջոցառումն ուղղված է ՀՀ ԳԱԱ իսկական և թղթակից անդամների պատվովճարների տրամադրմանը, որի համար 2024 թվականին հատկացվել է **112,200.0 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը (ՀՀ կառավարության 2002 թվականի փետրվարի 6-ի N 102 որոշման համապատասխան)։

10) «11010 Էտալոնների պահպանում և զարգացում» միջոցառումն ուղղված է ՀՀ ազգային էտալոնների պահպանմանն ու զարգացմանը, որի համար 2024 թվականին հատկացվել է **45,000.0 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը։

11) «11007 Գիտական ամսագրերի և մենագրությունների հրատարակում» միջոցառումն ուղղված է գիտական ամսագրերի և մենագրությունների հրատարակմանը, որի համար 2024 թվականին հատկացվել է **95,556.3 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը։

12) «11012 Գիտական գրադարանային ծառայություններ (գիտության ոլորտ)» միջոցառումն ուղղված է գրադարանային հավաքածուների պահպանմանը և համալրմանը, ընթերցողների սպասարկմանը, գրադարանային միջոցառումների կազմակերպմանը, որի համար 2024 թվականին հատկացվել է **150,630.1 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը։

13) «11018 Հայաստանի Հանրապետությունում գիտելիքահենք տնտեսության էկոհամակարգի ձևավորում և զարգացում» միջոցառումն ուղղված է ՀՀ-ում գիտելիքահենք տնտեսության էկոհամակարգի ձևավորմանն ու զարգացմանը միտված գիտական և գիտատեխնիկական ներուժի գնահատմանը, առևտրայինացման ենթակա նորարարությունների և դրանց իրացման շուկաների բացահայտմանը, թվային հարթակի ապահովմանը, որի համար 2024 թվականին հատկացվել է **173,029.2 հազ. դրամ**, 2025-2026 թվականներին նախատեսվում է պահպանել նույն ֆինանսական ծավալը,

14) «Գիտական աստիճանաշնորհման և գիտամանկավարժական կոչումների շնորհում» միջոցառումն ուղղված է Հայաստանի Հանրապետությունում գիտական որակավորման, գիտական աստիճանի և գիտական կոչման վկայագրերի հանձնման, միջազգային կապերի զարգացման, ատենախոսությունների թվայնացման և գիտնականների շտեմարանների ստեղծման ու շահագործման գործընթացների իրականացմանը, որի համար 1192 ծրագրի «11005 Գիտական աստիճանաշնորհման և գիտամանկավարժական կոչումների շնորհում» միջոցառումն շրջանակներում 2024 թվականին հատկացվել է **52,826.9 հազ. դրամ**: Վերոնշյալ միջոցառումը 2025 թվականից ներառվելու է 1162 ծրագրում, որի համար 2025-2026 թվականներին հատկացվելու է **52,826.9-ական հազ. դրամ**:

Գոյություն ունեցող պարտավորությունների գծով ծախսային ամփոփ տեղեկատվությունը ներկայացված է Մեթոդական ցուցումներին կից Հավելված 1-ի Ձևաչափ 1-ում ներկայացված ձևաչափին համապատասխան:

Գոյություն ունեցող ծրագրերի/միջոցառումների (ծախսային պարտավորությունների) գծով ծախսակազմումներն (ծախսերի մանրամասն հաշվարկներն) ու հիմնավորումներն ըստ առանձին գործոնների ներկայացված են Մեթոդաբանության առանձին առդրված ծախսերի հաշվարկների մանրամասն ձևաչափերին համապատասխան:

Գոյություն ունեցող բոլոր ծրագրերի/միջոցառումների (ծախսային պարտավորությունների) գծով ՄԺԾԾ ժամանակահատվածում իրականացվելիք ծախսերն ու ակնկալվող արդյունքները ներկայացված են ամփոփ տեսքով՝ Մեթոդաբանության կից՝ Հավելված 3-ի Մաս 4-ում ներկայացված ձևաչափերին համապատասխան: Այդ ծրագրերի/միջոցառումների գծով ծախսերն ըստ բյուջեային ծախսերի տնտեսագիտական և գործառական դասակարգումների մանրամասների ներկայացված են Մեթոդաբանությանը կից՝ Հավելված 4-ում ներկայացված ձևաչափերին համապատասխան:

3.3. Նոր նախաձեռնությունները

Նոր նախաձեռնությունների շրջանակներում առաջարկվում է նոր ծրագիր ուղղված Ակադեմիական քաղաքի ստեղծմանը, որպես որակյալ բարձրագույն կրթության և հետազոտության համար արդիական կրթական միջավայրի ապահովման կամպուսային կլաստերների համախումբ: Ծրագիրն իր մեջ ներառում է «Ակադեմիական քաղաքի նախագծման, կառուցման և բովանդակային գործընթացների ապահովում» և ««Ակադեմիական քաղաք» ծրագրի համակարգման և մոնիտորինգի ծառայություններ» միջոցառումները:

«Ակադեմիական քաղաքի ստեղծում» ծրագրի իրականացումը բխում է՝

✓ «ՀՀ կրթության մինչև 2030 թվականի զարգացման պետական ծրագիրը հաստատելու մասին» ՀՀ օրենքի (այսուհետ՝ Օրենք) հավելվածի 82-րդ կետի 4)-րդ ենթակետի դ. պարբերությունից,

✓ Օրենքից բխող գործողությունների ծրագիրը հաստատելու մասին 2023 թվականի մարտի 16-ի N 351-Լ որոշման հավելված 1-ի՝ Նպատակ 2 «Բարձրագույն կրթության արդյունավետության բարձրացում» 2.2 «Ցանցային կրթական համակարգերի ներդրում և ենթակառուցվածքների բարելավում» մասի 2.2.2 «Ակադեմիական քաղաքի ստեղծում՝ որպես որակյալ բարձրագույն կրթության և հետազոտության համար արդիական կրթական միջավայրի ապահովման կամպուսային կլաստերների համախումբ» կետից,

✓ 2021-2026 թվականների համար Հայաստանի Հանրապետության կառավարության 2021 թվականի օգոստոսի 18-ի N 1363-Ա որոշմամբ հաստատված «Հայաստանի Հանրապետության կառավարության ծրագրի» 4-րդ՝ «Մարդկային կապիտալի զարգացում» կետի 4.3 «Կրթություն» մասով սահմանված՝ բարձրագույն կրթության ոլորտում ֆիզիկական, վիրտուալ և սոցիալական գրավիչ միջավայր ապահովելու համար ակադեմիական քաղաք հիմնելու ռազմավարական նպատակից,

✓ «Հայաստանի Հանրապետության կառավարության 2021-2026 թվականների գործունեության միջոցառումների ծրագիրը հաստատելու մասին» ՀՀ կառավարության 2021 թվականի նոյեմբերի 18-ի N 1902-Լ որոշման Հավելված 1-ի «Կրթություն» բաժնի 20-րդ՝ «Ակադեմիական քաղաքի հիմնադրման հայեցակարգի մշակում» կետից,

✓ ՀՀ կառավարության 2023 թվականի հոկտեմբերի 19-ի N 1802-Լ որոշմամբ հաստատված «Ակադեմիական քաղաք» ծրագրի հայեցակարգից, որով սահմանվել են Ակադեմիական քաղաքի ստեղծման նպատակներն ու խնդիրները, Ակադեմիական քաղաքի կլաստերները (բաղադրիչները), շահառուների նախատեսվող թիվը և շրջանակը, ենթակառուցվածքները և այլ դրույթներ:

Հաշվի առնելով, որ Ակադեմիական քաղաքը հանդիսանում է Օրենքով սահմանված մի շարք կարևորագույն թիրախների ապահովման առանցքային միջոց, ՀՀ կառավարության 2023 թվականի ապրիլի 21-ի N 585-Ա որոշմամբ ստեղծվել է «Ակադեմիական քաղաք» հիմնադրամ, որն իրականացնելու է կանոնադրությամբ ամրագրված հետևյալ գործառույթները՝

- ✓ Ակադեմիական քաղաքի նախագծումն ու կառուցումը՝ որպես որակյալ կրթության և հետազոտության համար արդիական միջավայր,

- ✓ համապատասխան շենքային ենթակառուցվածքների կառուցումը, պահպանումը և բարելավումը,

- ✓ հետազոտությունը և ուսումը խթանող, գրավիչ, ապահով և անվտանգ, բազմաֆունկցիոնալ ֆիզիկական և ժամանակակից թվային տեխնոլոգիաներով հագեցած համագործակցային միջավայրի ստեղծումը՝ հաշվի առնելով ոլորտների արդի և զարգացող մեթոդաբանությունը, անվտանգության և համընդհանուր մատչելիության չափանիշները,

- ✓ մարզադահլիճների, գրադարանների, նորարարական ոճով կահավորված անհատական և թիմային աշխատանքների տարածքների, ինչպես նաև ստեղծարար գործունեությանը նպաստող ֆիզիկական միջավայրի ստեղծումը,

- ✓ ակադեմիական քաղաքի հայեցակարգից բխող այլ գործողությունների իրականացումը:

«Ակադեմիական քաղաքի ստեղծում» ծրագրի թիրախներն են՝

- ✓ առնվազն չորս բուհ ընդգրկված կլինի միջազգային վարկանիշային (Թայմսի բարձրագույն կրթության՝ աշխարհի համալսարանների վարկանիշ – Times Higher Education World University Rankings, Աշխարհի համալսարանների քյուէս վարկանիշ – QS World University Rankings կամ Աշխարհի համալսարանների ակադեմիական վարկանիշ – ARWU, Shanghai Ranking) աղյուսակների լավագույն 500-ի մեջ,

- ✓ կստեղծվի 100% պետական ֆինանսավորմամբ մինչև ութ բուհ՝ չբացառելով վճարովի ուսուցման հնարավորությունը,

✓ Հայաստանի Հանրապետության բարձրագույն կրթության համակարգը ձեռք կրերի միջազգային հեղինակություն, որի շնորհիվ օտարերկրյա ուսանողների թիվն առնվազն կկրկնապատկվի,

✓ առկա է միջավայր, որը կխթանի և կերաշխավորի ժամանակակից հետազոտական և նորարարական գործունեությունը, որտեղ բարձրագույն կրթությունը լծորդվելու է հետազոտությունների և գործնական կիրառման հետ,

✓ ձեռք բերված գիտելիքների և արդյունքների կիրառելիության և առևտրայնացման խթանում,

✓ առկա է մտավոր և մշակութային ժամանցի համար նախատեսված միջավայր,

✓ առկա է գիտական և նորարարական փոխկապակցվածությունը երաշխավորող միջավայր,

✓ առկա են նորարարությունը և փորձարարությունը խթանող ենթակառուցվածքներ:

2023 թվականին «Ակադեմիական քաղաք» ծրագրի իրականացման շրջանակներում՝

✓ ճարտարապետական նախագծման ծառայությունները ձեռք բերելու նպատակով ՀՀ կառավարության 2023 թվականի հոկտեմբերի 26-ի N 1841-Ա որոշման համաձայն ՀՀ ԿԳՄՄՆ բարձրագույն կրթության և գիտության կոմիտեն ԶԻԷՄՓԻ ինթերնեյշնլ ԶԻԷՄԲԻԷյջ արքիթեքթս ընդ էնջինիերս (GMP) գերմանական ընկերության և Ճարտարապետության և շինարարության Հայաստանի ազգային համալսարանի հետ կնքել է «Ճարտարապետական նախագծման ծառայությունների մասին» պայմանագիր, որով նախատեսված ծառայությունների վճարումները (87,696.0 հազ. դրամ) իրականացվել են ՀՀ 2023 թվականի պետական բյուջեի «1162 Գիտական և գիտատեխնիկական հետազոտությունների» ծրագրի «32003 Գիտական կենտրոնների վերանորոգում» միջոցառման համար նախատեսված ֆինանսական միջոցների հաշվին.

✓ ՀՀ կառավարության 2023 թվականի ապրիլի 21-ի ««Ակադեմիական քաղաք» հիմնադրամ ստեղծելու և հիմնադրամի կանոնադրությունը հաստատելու

մասին» N 585-Ա որոշման համաձայն «Ակադեմիական քաղաք» հիմնադրամի պահպանման ծախսերը նախատեսված է իրականացնել «1162 Գիտական և գիտատեխնիկական հետազոտությունների» ծրագրի «11002 Գիտական ենթակառուցվածքի արդիականացում» միջոցառման շրջանակներում: 2023 թվականի հատկացվել է 35,015.0 հազ. դրամ, իսկ 2024 թվականին՝ 117,320.0 հազ. դրամ,

✓ ՀՀ կառավարության 2024 թվականի հունվարիի 4-ի N 28-Ն որոշմամբ հավանության է արժանացել «Հայաստանի Հանրապետության Երևան քաղաքի և Արագածոտնի մարզի Աշտարակ համայնքի Սասունիկ բնակավայրի վարչական սահմաններում գտնվող որոշ տարածքների նկատմամբ հանրության գերակա շահ ճանաչելու մասին» ՀՀ կառավարության որոշման նախագծը:

Նոր ծրագրի համար անհրաժեշտ է 2025-2027 թվականներին հատկացնել համապատասխանաբար՝ 2,114,076.3, 5,023,521.7 և 240,292,807.4 հազ. դրամ, որից՝

➤ 2025-2027 թվականներին համապատասխանաբար՝ 1,939,630.3, 4,849,075.7 և 240,118,361.4 հազ. դրամ հատկացվելու է Ակադեմիական քաղաքի նախագծման, կառուցման և բովանդակային գործընթացների ապահովում,

➤ 2025-2027 թվականներին 174,446.0 հազ. դրամը հատկացվելու է «Ակադեմիական քաղաք» հիմնադրամի պահպանմանը:

4. ՈՉ ԲՅՈՒՋԵՏԱՅԻՆ ԱՂԲՅՈՒՐՆԵՐԻՑ ՍՊԱՍՎՈՂ ԵԿԱՄՈՒՏՆԵՐԸ

5. ՏԱՐԱԾՔԱՅԻՆ ԶԱՐԳԱՑՄԱՆ ԱՌՆՉՎՈՂ ԾՐԱԳՐԵՐԸ/ՄԻՋՈՑԱՌՈՒՄՆԵՐԸ

6. ՄԻՋՈՒՐՏԱՅԻՆ (ԽԱՉՎՈՂ) ԲՆՈՒՅԹԻ ԱՌԱՆՁԻՆ ՔԱՂԱՔԱԿԱՆՈՒԹՅՈՒՆՆԵՐԻՆ ԱՌՆՉՎՈՂ ԾՐԱԳՐԵՐԸ/ ՄԻՋՈՑԱՌՈՒՄՆԵՐԸ

7. ԱՐՏԱՔԻՆ ԱՂԲՅՈՒՐՆԵՐԻՑ՝ ՊԵՏԱԿԱՆ ԲՅՈՒՋԵ ՍՏԱՅՎՈՂ ՎԱՐԿԵՐԻ ԵՎ ԴՐԱՄԱՇՆՈՐՀՆԵՐԻ ՀԱՇՎԻՆ ԻՐԱԿԱՆԱՑՎԵԼԻՔ ԾՐԱԳՐԵՐԸ/ ՄԻՋՈՑԱՌՈՒՄՆԵՐԸ

8. ՄԺԾԾ ԺԱՄԱՆԱԿԱՀԱՏՎԱԾՈՒՄ ՖԻՆԱՆՍԱԿԱՆ ՊԱՀԱՆՋՆԵՐԻ ԱՄՓՈՓՈՒՄ

2025-2027 թթ. ժամանակահատվածի համար գիտական և գիտատեխնիկական բնագավառի գծով ֆինանսական պահանջների վերաբերյալ ամփոփ տեղեկատվությունը (ներառյալ գոյություն ունեցող պարտավորությունները) ամփոփվել է Մեթոդաբանությանը կից՝ Հավելված 8 -ում ներկայացված ձևաչափին համապատասխան:

9. ՀԱՅՏԻ ՀԵՏ ԿԱՊՎԱԾ ՌԻՍԿԵՐԸ

Ռիսկերի վերլուծության վերաբերյալ տեղեկատվությունն ամփոփել է Մեթոդաբանության ցուցումներին կից՝ Հավելված 10-ում ներկայացված ձևաչափին համապատասխան: